

# L. BAVEREL

## *CURAT DE SANTO-ANO, A MARSİHO*

Sermoun de Mousen L. BAVEREL, Curat de Santo-Ano, à Marsiho.

Predica lou 24 de Mai 1924; - Estampa pèr G. MOULLOT, que n'en fai óufrèndo à soun Curat, lou 1é de Jun, que se capito majo-fèsto-doublo, de si Noço d'Or preiralo (1874-1924) e de si Noço d'Argènt curialo, à Santo-Ano (1899-1924 ).

*Ubi enim est thesaurus tuus, ibi est  
et cor tuum.  
Ounte i'a toun tresor, aqui, peréu,  
i'a toun cor.*

Es Noste-Segneur Jèsus-Crist que lou dis.

MONSEGNE L'ARCHEVESQUE, (1)  
MI FRAIRE,  
MI SORRE,

Nòsti fèsto di *Sànti-Mario-de-la-Mar*, coume soun atiranto, emé si cantico pietadous, sis esclamacions esmouvènto, si taulado de coumunioun; emé si miracle de garisoun o dóu-mens de soulas de cors o d'amo!

E tout acò, dins un estrambord nouvèu d'un vaste pople, acourregu de tout caire, au rampèu amistous d'un curat, fervourous pèr nòsti resplendènti tradicions, ansin que si davancié; e qu'uno falanjo freiralo vèn ié douna 'judo, de Prouvènço, dóu Coumtat, dóu Lengadò, e, li proumié, dous prèire nimesen inalassable.

(1) Monseigneur RIVIÈRE, Archevesque de-z-Ais, d'Arle e d'Embrun.

Monseigneur, prèire e fidèu soun edifica de vèire sèmpe, en tèsto di fèsto, e assista de dignitari de soun clergié egrègi, de vèire e d'entendre, l'ensigne Metroupoulitan de Prouvènço, que se saup arderous *maintènèire* de la fe catoulico-roumano e, tambèn, majourau *maintènèire* di tradicions religieuses de noste Miejour et de sa lengo dindanto, que la vòu entendre eici, e meme de si jo ounèste e regalant.

Aussi, la *Nacioun Gardiano* graciouso, de bèu noum en tèsto, sus si blanc cavalot, lampo à l'en-d'avans de Sa Grandour qu'en passant saludo sa Mirèio.